

**ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
ҚАРОРИ
27.10.2016 й.
N 366**

**ВАЗИРЛИК ВА ИДОРАЛАР,
ХЎЖАЛИК БИРЛАШМАЛАРИ РАҲБАРЛАРИ,
ҚОРАҚАЛПОҒИСТОН РЕСПУБЛИКАСИ ВАЗИРЛАР
КЕНГАШИ РАИСИ, ВИЛОЯТЛАР, ШАҲАР ВА
ТУМАНЛАРИ ҲОКИМЛАРИНИНГ "ЖИСМОНИЙ
ВА ЮРИДИК ШАҲСЛАРНИНГ МУРОЖААТЛАРИ
ТЎҒРИСИДА" ГИ ЎЗБЕКИСТОН РЕСПУБЛИКАСИ
ҚОНУН ТАЛАБЛАРИНИ СЎЗСИЗ БАЖАРИШ
ЮЗАСИДАН ЖАВОБГАРЛИГИ ТЎҒРИСИДА**

I. Ўзбекистон Республикаси Бош вазирининг электрон қабулхонаси орқали маҳаллий ҳокимлик органларига келиб тушган мурожаатларни кўриб чиқиш бўйича

II. Ўзбекистон Республикаси Бош вазирининг электрон қабулхонаси орқали вазирлик ва идораларга келиб тушган мурожаатларни кўриб чиқиш бўйича

IIIa. Вазирлик, идора ва хўжалик бирлашмаларида мурожаатларни кўриб чиқиша йўл қўйилган камчиликларни бартараф этиш

III. Ўзбекистон Республикаси Бош вазирининг электрон қабулхонаси орқали келиб тушган мурожаатларни назоратга олиш ва ҳисботини юритиш бўйича

1-илова. Ўзбекистон Республикаси Бош вазирининг электрон қабулхонаси орқали маҳаллий ҳокимликларга келиб тушган мурожаатларни кўриб чиқиш 1-схемаси

2-илова. Ўзбекистон Республикаси Бош вазирининг электрон қабулхонаси орқали вазирлик ва идораларга келиб тушган мурожаатларни кўриб чиқиш 2-схемаси

3-илова. Ўзбекистон Республикаси Бош вазирининг электрон қабулхонаси орқали келиб тушган мурожаатларни назоратга олиш ва ҳисботини юритишнинг 3-схемаси

Фуқаролар ва ташкилотларнинг мурожаатларини кўриб чиқиш бўйича давлат органларининг масъулиятини ошириш мақсадида 2014 йил декабрь ойида "Жисмоний ва юридик шахсларнинг мурожаатлари тўғрисида" ги Ўзбекистон Республикаси Қонун қабул қилинди. Қонуннинг мақсади ва моҳияти, унинг ижросини амалга ошириш бўйича бир қатор чора-тадбирлар белгиланди.

Вазирлар Маҳкамаси томонидан ушбу Қонун ижросининг қатор вазирлик ва идоралар, маҳаллий ҳокимликлардаги аҳволи мақсадли ўрганилди. Хусусан, 2016 йил учун тасдиқланган иш режа асосида "Ўзстандарт" агентлиги, "Ўзнефтмаҳсулот" акциядорлик компанияси, Ўзбекистон автомобиль ва дарё транспорти агентлиги, Ўрта маҳсус касб-хунар таълими маркази, Озиқ-овқат саноати корхоналари уюшмаси ва

уларнинг тизимидағи ташкилотларда, Қорақалпоғистон Республикаси Вазирлар Кенгаши ва Тошкент шаҳар ҳокимлиги ҳамда қатор шаҳар ва туманлар ҳокимликларида мақсадли ўрганишлар амалга оширилди.

Вазирлик ва идоралар, маҳаллий ҳокимликларда мурожаатлар билан ишлаш масаласи танқидий муҳокама этиб борилган, жисмоний шахслар ва юридик шахсларнинг вакиллари қабул қилинган, уларнинг мурожаатлари кўриб чиқилган ва ҳақли талаблари қаноатлантирилган ҳамда тегишли чора-тадбирлар кўрилган.

Шу билан бирга, таҳлиллар натижаси Қорақалпоғистон Республикаси Вазирлар Кенгаши, вилоятлар, шаҳар ва туманлар ҳокимликлари, вазирликлар, идоралар ва хўжалик бошқаруви органлари тизимида жисмоний ва юридик шахсларнинг мурожаатлари билан ишлаш борасида жиддий камчиликлар мавжудлигини кўрсатди.

2016 йилнинг 9 ойида республикадаги барча давлат органлари ва маҳаллий ҳокимликларга жисмоний ва юридик шахслардан жами 338,2 мингта мурожаатлар келиб тушган бўлиб, ўтган йилнинг мос даврига нисбатан 3,1 фоизга кўпайган. Шу жумладан, Вазирлар Маҳкамасида мурожаатлар сони - 16,3 мингтани, вилоят ҳокимликларида - 50,0 мингтани, шаҳар ва туманлар ҳокимликларида - 200,8 мингтани ҳамда вазирликлар, идоралар ва хўжалик бошқарув органларида - 71,2 мингтани ташкил этган.

Худудлар кесими бўйича жисмоний ва юридик шахслардан энг кўп мурожаатлар Тошкент шаҳар (14,8 мингта ёки 29,9%), Тошкент (5,9 мингта ёки 12,0%), Самарқанд (4,1 мингта ёки 8,3%), Андижон (3,5 мингта ёки 7,2%), Наманган (3,3 мингта ёки 6,8%), Қашқадарё (2,8 мингта ёки 5,7%) ва Сурхондарё (2,7 мингта ёки 5,6%) вилоятлари ҳокимликларига тушган.

Вазирлик, идоралар ва хўжалик бошқаруви органларида келиб тушган мурожаатларнинг асосий қисми Адлия (10,0 мингта), Мехнат (4,4 мингта), Молия (3,8 мингта), Халқ таълими (2,1 мингта) вазирликларида, Давлат солиқ (6,2 мингта), Давлат рақобат (3,7 мингта) кўмиталарида, "Ўзтрансгаз" (4,3 мингта), "Ўзавтосаноат" (3,1 мингта) компанияларига тўғри келган.

Жисмоний ва юридик шахсларнинг аксарият мурожаатларида маҳаллий ҳокимликлар, вазирликлар ва идораларнинг бевосита ваколатларида даҳлдор бўлган масалалар кўтарилилган бўлиб, уларнинг тизимида йўл қўйилаётган айrim муаммо ва камчиликлар, мурожаатларни ўз вақтида қонуний кўриб чиқилмаганлиги тўғрисида важлари кўрсатилган.

Вилоятлар ҳокимликларига банк - кредит масалалари бўйича мурожаатлар (2,4 бараварга), маҳалла (58,7 фоиз), ички ишлар (48,5 фоиз), нафақа (48,0 фоиз), агросаноат инфратузилмаси (46,2 фоиз), тадбиркорликни ривожлантириш (34,6 фоиз), давлат ва хўжалик бошқаруви органлари ишлари (32,8 фоиз), халқ таълими (26,0 фоиз), иш, иш хақи (21,3 фоиз), соғлиқни сақлаш (16,6 фоиз), маданият ишлари, оила (ҳар бири 16,0 фоиз), олий ва ўрта маҳсус таълим (10,0 фоиз), курилиш (9,0 фоиз), уй-жой ва ер олиш (7,0 фоиз), ёқилғи-энергетика (6,4 фоиз) ошган.

Маҳаллий ҳокимликлар, вазирликлар ва идораларда мурожаатларни кўриб чиқишининг аҳволини ўрганиш натижалари, ҳақиқатан ҳам жойларда жиддий муаммолар мавжудлигини, уларнинг ечимлари ўз вақтида топилмаганлигини, мурожаатларни кўриб чиқишдек долзарб масалага раҳбарлар томонидан панжа орасидан қаралаётганлиги ҳамда масъулиятсизлик ва сансалорлик ҳолатларига йўл қўйилганлигини кўрсатди.

2016 йил 24 сентябрдан бошлаб аҳоли ва тадбиркорлар томонидан Ўзбекистон Республикаси Бош вазирининг электрон қабулхонасига республиканинг барча худудларидан жами 77,1 мингта мурожаат келиб тушган. Жумладан, ишонч телефони орқали 34,9 мингта, веб-сайт - 40,3 мингта ва ЎзЛиДеп - 1,9 мингта мурожаат қабул килиниб, ижрога юборилган.

Жами мурожаатлардан 20,9 мингтаси вазирлик ва идоралар, маҳаллий ҳокимлик органлари томонидан кўриб чиқиш жараённида, 33,0 мингтаси ижрога юборилган, 23,2 мингтаси ҳал этилган.

Қисқа муддатда электрон қабулхонага кўп сонли мурожаатларнинг келиб тушиши жойлардаги, айниқса шаҳар ва туман миқёсидаги мутасадди раҳбарлар халқнинг таклиф ва муаммолари билан қизиқмаслигини, аксарият ҳолларда жисмоний ва юридик шахсларнинг мурожаатларига эътиборсиз эканлигини кўрсатди.

Худудлар кесимида энг кўп мурожаатлар Тошкент шаҳри (27,0 мингта), Тошкент (10,0 мингта), Фарғона (5,8 мингта), Қашқадарё (5,3 мингта) ва Андижон вилоятлари (4,2 мингта) фуқароларидан келиб тушган.

Жами келиб тушаётган мурожаатларни, уларда кўтарилиган масалалар бўйича таҳлил қилинган, энг кўп Ички ишлар (8,6 мингта), Мехнат (2,7 мингта), Соғлиқни сақлаш (1,2 мингта), Олий ва ўрта маҳсус таълим вазирликлари (626 та), Марказий банк ва тижорат банклари (3,4 мингта), Суд департаменти (2,0 мингта), Пенсия жамғармаси (1,6 мингта), "Ўзтрансгаз" акциядорлик компанияси (2,2 мингта), "Ўзавтосаноат" акциядорлик компанияси (692 та) ва "Ўзбекэнерго" акциядорлик жамиятига (967 та) келиб тушганлиги аниқланди.

Хусусан, уй-жой ва ер масаласи тўғрисидаги мурожаатлар (ипотека кредити, таъмирлаш, олди-сотди, ички йўлларни таъмирлаш масалалари) - 10,8 мингта, меҳнат ва бандлик масалалари - 4,5 мингта, табиий газ, электр энергияси, ичимлик ва иссиқ сув масалалари - 4,6 мингта, таълим соҳасидаги масалалар - 2,6 мингта, фуқаролик паспорти масалалари - 1,5 мингта, соғлиқни сақлаш соҳаси масалалари - 1,4 мингта, суд жараёни, хуқуқ-тартибот ходимлари хатти-ҳаракатлари масаласи бўйича - 5,4 мингтани ташкил этади.

"Жисмоний ва юридик шахсларнинг мурожаатлари тўғрисида"ги Ўзбекистон Республикаси Қонуни талабларидан келиб чиқиб, Ўзбекистон Республикаси Бош вазирининг электрон қабулхонасига жисмоний ва юридик шахслар томонидан келиб тушаётган мурожаатларни кўриб чиқишида йўл қўйилган камчиликларни ўз вақтида бартараф этиш, мурожаатлар билан ишлашнинг натижадорлигини ошириш мақсадида Вазирлар Маҳкамаси **ҚАРОР ҚИЛАДИ:**

1. Ўзбекистон Республикаси Бош вазирининг ўринбосари А. Ариповнинг жисмоний ва юридик шахслар томонидан келиб тушган мурожаатларнинг кўриб чиқилиши, уларда кўтарилиган масалаларнинг ҳал этилиши юзасидан амалга оширилаётган ишлари тўғрисидаги ахбороти маълумот учун қабул қилинсин.

2. Ўзбекистон Республикасининг Бош прокурори И. Абдуллаевнинг вазирлик, идоралар ва маҳаллий ҳокимликларида электрон қабулхонага келиб тушган жисмоний ва юридик шахсларнинг мурожаатларини кўриб чиқиш жараёнида йўл қўйилаётган камчиликлар тўғрисидаги ахбороти маълумот учун қабул қилинсин.

I. ЎЗБЕКИСТОН РЕСПУБЛИКАСИ БОШ ВАЗИРИНИНГ ЭЛЕКТРОН ҚАБУЛХОНАСИ ОРҚАЛИ МАҲАЛЛИЙ ҲОКИМЛИК ОРГАНЛАРИГА КЕЛИБ ТУШГАН МУРОЖААТЛАРНИ КЎРИБ ЧИҚИШ БЎЙИЧА

3. "Жисмоний ва юридик шахсларнинг мурожаатлари тўғрисида"ги Ўзбекистон Республикаси Қонуни талабларини сўзсиз ва ўз вақтида бажариш Қорақалпоғистон Республикаси Вазирлар Кенгаши, вилоятлар, шаҳарлар ва туманлар ҳокимликларининг асосий вазифаларидан бири деб ҳисоблансин.

4. Ўзбекистон Республикаси Бош вазирининг электрон қабулхонаси орқали Қорақалпоғистон Республикаси Вазирлар Кенгаши, вилоятлар, шаҳарлар ва туманлар ҳокимликларида жисмоний ва юридик шахслар томонидан келиб тушган

мурожаатларнинг ижроси сўзсиз бажарилишини таъминлаш ва йўл қўйилган камчиликларни ўз вақтида бартараф этиш юзасидан амалга оширилган ишлари етарли даражада ташкил этилмаганлиги қайд этилсин.

5. Куйидагиларга:

Тошкент шаҳар ҳокими (Усмонов)га Ўзбекистон Республикаси Бош вазирининг электрон қабулхонасига аҳоли ва тадбиркорлардан энг кўп ариза ва шикоятлар тушганлиги, мурожаатларни қўриб чиқиш ва ҳал этиш муддатларини асоссиз бузилишига йўл қўйганлиги;

Тошкент вилояти ҳокими вазифасини бажарувчи (Эргашходжаев)га вилоятда яшовчи фуқаролардан меҳнат ва бандлик масаласи бўйича энг кўп мурожаатлар тушганлиги ҳамда уларнинг ўз вақтида ва сифатли қўриб чиқилмаганлиги;

Қашқадарё вилояти ҳокими (Рузиев)га мурожаатларни қўриб чиқиш муддатларининг асоссиз чўзиб юборилганлиги, юқори турувчи давлат органларига норозилик мурожаатлари кўпайганлиги;

Андижон вилояти ҳокими (Абдурахманов)га шаҳар ва туманлар ҳокимликларида жисмоний ва юридик шахсларнинг мурожаатлари билан ишлаш талаб даражасида ташкил этилмаганлиги, уларга нисбатан талабчанлик етарли даражада оширилмаганлиги;

Фарғона вилояти ҳокими (Фаниев)га электрон мурожаатлар сони ортиб бораётганлиги, уларни белгиланган муддатларда қўриб чиқиш юзасидан етарли даражада назорат ўрнатилмаганлиги қўрсатиб ўтилсин.

6. Наманган вилояти Поп тумани ҳокими (Юлдашев)га электрон қабулхонага келиб тушган мурожаатларни ҳал қилишда тегишли ҳужжатларни қалбакилаштиришга йўл қўйганлиги учун ҳайфсан эълон қилинсин.

7. Тошкент шаҳар Миробод туманида истиқомат қилувчи фуқаро Е. Каравайкинадан иссиқлик куввати билан таъминлаш масаласида келиб тушган мурожаатни қўриб чиқиша йўл қўйган камчиликлари учун Миробод тумани ҳокими (Кадиров)га ҳайфсан эълон қилинсин ва "Тошисиқлиқкуввати" ишлаб чиқариш бирлашмаси Миробод тумани филиали раҳбари (Мухаммедов) эгаллаб турган лавозимидан озод этилсин.

8. Корақалпоғистон Республикаси Вазирлар Кенгаши, вилоят, шаҳар ва туман ҳокимликлари:

уч кун муддатда халқ депутатлари Кенгаши сессияларида барча масъуллар иштироқида "Жисмоний ва юридик шахсларнинг мурожаатлари тўғрисида"ти Ўзбекистон Республикаси Қонунига асосан Ўзбекистон Республикаси Бош вазирининг электрон қабулхонасига келиб тушаётган ҳар бир мурожаатнинг ижобий ҳал этилишини муҳокама килиб, натижаси бўйича қабул қилган ўз қарорларини Вазирлар Маҳкамасига киритилишини таъминласинлар;

уч ҳафта муддатда Ўзбекистон Либерал-демократик партияси билан биргаликда жойларда халқ қабулхоналарини ташкил этиш мақсадида шаҳар ва туманлар марказларида намунали кўриниш ҳамда аҳоли келишига қулай бўлган биноларни ажратиб, уларга барча шароитлар яратилишини таъминласинлар;

бир ой муддатда маҳаллий ҳокимлик тизимидағи тегишли давлат органлари билан биргаликда юқори малакали мутахассисларни жалб қилган ҳолда халқ қабулхоналарининг самарали ва доимий фаолиятини ташкил этсинлар;

амалга оширилган ишлар юзасидан Вазирлар Маҳкамасига ахборот (фото материаллар) киритсинлар.

9. Ўзбекистон Республикаси Бош вазирининг электрон қабулхонаси орқали маҳаллий ҳокимлик органларига келиб тушган мурожаатларни кўриб чиқиши 1-схемаси (1-иловага мувофиқ) тасдиқлансан.

1-схеманинг асосий вазифалари сифатида қўйидагилар белгилансин:

Вазирлар Маҳкамасининг Ишчи гурухига:

- келиб тушган мурожаатни ўрганиб чиқиб, рўйхатга олиш, тегишли маҳаллий ҳокимликка муддатини белгилаб, назоратга олиш ва ижрога юбориш;

- жавоб хати билан танишиб чиқиши ва назоратдан олиш, зарурат туғилганда мурожаатчи билан телефон орқали боғланиб, мурожаатнинг қаноатлантирилганлигига аниқлик киритиши;

- қонунга хилоф равишда ечимини топмаган ёхуд кўриб чиқиши муддати бузилган мурожаатлар бўйича Ўзбекистон Республикаси Бош прокуратурасига маълумот киритиши;

- мурожаатларни рўйхатга олиш, масалалар кесимида таҳлили ва назоратини юритиши бўйича электрон базани шакллантириши;

- таҳлилий маълумотларни шакллантириб, тегишли Комплекс раҳбарларига, Бош вазирга ва Вазирлар Маҳкамаси Раёсатига муҳокама учун киритиши.

Маҳаллий ҳокимлик органларига:

- мурожаатни бевосита кўриб чиқиши ёки тегишлиги бўйича шаҳар ва туманлар ҳокимликларига, шунингдек худудий идораларга биринчи раҳбар резолюцияси билан назоратга олиш ва ижрога юбориш;

- мурожаат тегишли ташкилотларга юборилганлиги тўғрисида мурожаат этувчини ёзма ёхуд электрон шаклда хабардор қилиши;

- мурожаатларни кўриб чиқиши ва натижаси бўйича жавоб хатини Вазирлар Маҳкамаси Ишчи гурухига ва мурожаат этувчига ёзма ёхуд электрон (далолатнома) шаклда юбориш;

- қўшимча ўрганиш ва текшириш талаб этилган ҳолатларда, мурожаат этувчини хабардор қилган ҳолда Вазирлар Маҳкамаси Ишчи гурухига мурожаат этувчига муддатини узайтириш юзасидан электрон қабулхона тизими орқали сўров жўнатиши.

10. Қорақалпоғистон Республикаси Вазирлар Кенгаси, вилоят, шаҳар ва туман ҳокимликлари аҳоли ва тадбиркорлар учун кунлик соат 8 дан 11 гача шахсий қабулларни ташкил қилиш чораларини кўрсинглар, бунда:

жойларда аҳоли ва тадбиркорлик субъектлари билан ишлашни тубдан қайта кўриб чиқиши, уларнинг муаммолари ва эътиrozларини жойида ҳал этиши, аҳоли билан ишлаш маданиятини ошириши;

аҳоли ва тадбиркорлар томонидан мурожаатларни Ўзбекистон Республикаси Бош вазирининг электрон қабулхонасигача олиб чиқмаслик мақсадида ўзларининг вебсайtlари ва ишонч телефонлари орқали мурожаат қилиш тизимини тубдан яхшилаш;

фуқаролар томонидан давлат хизматларидан фойдаланишини осонлаштириши мақсадида мурожаатлар статистикасининг таҳлили асосида тегишли давлат хизматларини интерактив кўринишга ўтказиш бўйича таклифларни ишлаб чиқиб, Ахборот технологиялари ва коммуникацияларини ривожлантириш вазирлигига киритишини таъминласинлар.

11. Аҳоли ва тадбиркорларнинг оғзаки ва ёзма мурожаатларида кўтарилиган ижтимоий-иктисодий масалаларни ўз вақтида ва қонуний ҳал этилишини таъминлаш, Ўзбекистон Республикаси Президенти сайловини юқори савияда ўтказишнинг муҳим вазифаларидан бири эканлигини инобатга олиб, Ахборот технологиялари ва коммуникацияларни ривожлантириш вазирлиги (Мирзахидов):

худудларда ташкил этиладиган халқ қабулхоналарини тегишли замонавий компьютер техника жиҳозлари билан таъминлаш ва Ўзбекистон Республикаси Бош вазирининг электрон қабулхонасига улаш;

Ўзбекистон Республикаси Бош вазирининг электрон қабулхонасига келиб тушаётган мурожаатлар белгиланган тартибда кўриб чиқилишининг доимий назоратини ўрнатиш мақсадида шаҳар ва туман прокуратура органларига тегишли замонавий компьютер техника жиҳозларини ажратиш чораларини кўрсин.

II. ЎЗБЕКИСТОН РЕСПУБЛИКАСИ БОШ ВАЗИРИНИНГ ЭЛЕКТРОН ҚАБУЛХОНАСИ ОРҚАЛИ ВАЗИРЛИК ВА ИДОРАЛАРГА КЕЛИБ ТУШГАН МУРОЖААТЛАРНИ КЎРИБ ЧИҚИШ БЎЙИЧА

12. "Жисмоний ва юридик шахсларнинг мурожаатлари тўғрисида"ги Ўзбекистон Республикаси Қонуни талабларини сўзсиз ва ўз вақтида бажариш вазирлик ва идораларнинг асосий вазифаларидан бири деб ҳисоблансан.

13. Ўзбекистон Республикаси Бош вазирининг электрон қабулхонаси орқали вазирлик ва идораларга жисмоний ва юридик шахслар томонидан келиб тушаётган мурожаатларнинг ижроси сўзсиз бажарилишини таъминлаш ва йўл қўйилган камчиликларни ўз вақтида бартараф этиш юзасидан амалга оширилган ишлари етарли даражада ташкил этилмаганлиги қайд этилсин.

14. Соғлиқни сақлаш вазирининг биринчи ўринbosари (Худаяров)га Ўзбекистон Республикаси Бош вазирининг электрон қабулхонасига Урганч ва Кўнғирот туманларида яшовчи 1-гуруҳ ногиронлари Ю. Жуманиёзова ва Д. Махмурвалардан келиб тушган мурожаатларни ҳал этишда сансалорликка йўл қўйганлиги учун ҳайфсан эълон қилинсан.

15. Молия вазирлиги ҳузуридаги Пенсия жамғармаси ижро этувчи директори (Султанов)га Тошкент шаҳар Шайхонтоҳур туманида яшовчи М. Ходжаханова фарзанди 14 ёшидан бери оёғида металл протез билан юришини ва ҳар йили комиссия кўригидан ўтиш жуда оғирлигини кўрсатиб, доимий ногиронлик масаласини ҳал этишда ёрдам сўраб қилган мурожаатини узил-кесил ҳал қилиш ўрнига расмиятчилик билан жавоб берганлиги учун ҳайфсан эълон қилинсан.

16. Мехнат вазири (Абдухакимов) Андижон вилояти Шаҳриҳон туманида яшовчи У. Маированинг мурожаатини телефон орқали боғланиш имкони бўлмаганлиги баҳонаси билан аноним деб топилишига сабабчи бўлган ҳамда масалани узил-кесил ҳал қилиш чорасини кўрмаган вазирлик масъул ходимини аниқлаш бўйича хизмат текшируви ўтказсин ва айбдор масъул ходим билан тузилган меҳнат шартномасини бекор қилсин.

17. Халқ таълими вазири (Иноятов) фуқаро Ф. Ҳакимованинг Тошкент шаҳар 111-сон мактабгача таълим муассасасидан асоссиз ишдан бўшатилганлиги, унинг ўрнига сохта дипломга эга бўлган Ш. Жабборова ишга қабул қилинганлиги тўғрисидаги мурожаатини кўриб чиқиша унинг дипломи қалбакилиги тўғрисидаги важи ҳуқуқий баҳо бериш учун ҳуқуқни муҳофаза қилиш органларига юборилмаганлиги ҳамда етказилган зарарни ундириш чоралари кўрилмаганлиги холати юзасидан хизмат текшируви ўтказсин ва айбдор масъул ходимга нисбатан тегишли интизомий жазо чорасини қўлласин.

18. Ўзбекистон Республикаси Бош вазирининг электрон қабулхонаси орқали вазирлик ва идораларга келиб тушадиган мурожаатларни қўриб чиқиш 2-схемаси (2-иловага мувофиқ) тасдиқлансин.

2-схеманинг асосий вазифалари сифатида қўйидагилар белгилансин:

Вазирлар Маҳкамасининг Ишчи гуруҳига:

- келиб тушган мурожаатни ўрганиб чиқиб, рўйхатга олиш, тегишли вазирлик ва идораларга муддатини белгилаб, назоратга олиш ва ижрога юбориш;
- жавоб хати билан танишиб чиқиш ва назоратдан олиш, зарурат туғилганда мурожаатчи билан телефон орқали боғланиб, мурожаатнинг қаноатлантирилганлигига аниқлик киритиши;
- қонунга хилоф равишда ечимини топмаган ёхуд қўриб чиқиш муддати бузилган мурожаатлар бўйича Ўзбекистон Республикаси Бош прокуратурасига маълумот киритиши;
- мурожаатларни рўйхатга олиш, масалалар кесимида таҳлили ва назоратини юритиши бўйича электрон базани шакллантириши;
- таҳлилий маълумотларни шакллантириб, тегишли Комплекс раҳбарларига, Бош вазирга ва Вазирлар Маҳкамаси Раёсатига муҳокама учун киритиши.

Вазирлик ва идораларга:

- мурожаатни бевосита қўриб чиқиш ёки тегишлиги бўйича ҳудудий бошқармалар, бўйлимлар, бошқа ташкилотларга биринчи раҳбар резолюцияси билан назоратга олиш ва ижрога юбориш;
- мурожаат тегишли ташкилотларга юборилганлиги тўғрисида мурожаат этувчини ёзма ёхуд электрон шаклда хабардор қилиш;
- мурожаатларни қўриб чиқиш ва натижаси бўйича жавоб хатини Вазирлар Маҳкамаси Ишчи гуруҳига ва мурожаатчига ёзма ёхуд электрон (далолатнома) шаклда юбориш;
- қўшимча ўрганиш ва текшириш талаб этилган ҳолларда, мурожаат этувчини хабардор қилган ҳолда Вазирлар Маҳкамаси Ишчи гуруҳига мурожаат муддатини узайтириш юзасидан тизим орқали сўров жўнатиши.

19. Давлат ва хўжалик бошқаруви органлари аҳоли ва тадбиркорлар учун кунлик соат 8 дан 11 гача шахсий қабулларни ташкил қилиш чораларини қўрсинаш, бунда:

жойларда аҳоли ва тадбиркорлик субъектлари билан ишлашни тубдан қайта қўриб чиқиш ва уларнинг муаммолари ва эътиrozларини жойида ҳал этиш, аҳоли билан ишлаш маданиятини ошириш;

аҳоли ва тадбиркорлар томонидан мурожаатларни Ўзбекистон Республикаси Бош вазирининг электрон қабулхонасигача олиб чиқмаслик мақсадида ўзларининг вебсайтлари ва ишонч телефонлари орқали мурожаат қилиш тизимини тубдан яхшилаш;

фуқаролар томонидан давлат хизматларидан фойдаланишини осонлаштириш мақсадида мурожаатлар статистикасининг таҳлили асосида тегишли давлат хизматларини интерактив қўринишга ўтказиш бўйича таклифларни ишлаб чиқиб, Ахборот технологиялари ва коммуникацияларини ривожлантириш вазирлигига киритиши чораларини қўрсинаш.

**Па. ВАЗИРЛИК, ИДОРА ВА ХЎЖАЛИК БИРЛАШМАЛАРИДА
МУРОЖААТЛАРНИ ҚЎРИБ ЧИҚИШДА ЙЎЛ ҚЎЙИЛГАН
КАМЧИЛИКЛАРНИ БАРТАРАФ ЭТИШ**

20. Ички ишлар (Ахмедбаев), Соғлиқни сақлаш (Алимов), Мехнат (Абдухакимов), Олий ва ўрта маҳсус таълим (Қосимов), Адлия (Икрамов) вазирликлари, Марказий банк (Муллажонов) ва тижорат банклари, "Ўзтрансгаз" АК (Махмудов), "Ўзбекэнерго" АЖ

(Саломов), Молия вазирлиги ҳузуридаги Пенсия жамғармаси (Султанов), "Ўзавтосаноат" АҚ (Азимов):

бир ҳафта муддатда Ўзбекистон Республикаси Бош вазирининг электрон қабулхонасига келиб тушаётган мурожаатларнинг ўз вақтида ва сифатли ижросини таъминлашга қаратилган ҳайъат йиғилишларини ўтказсинлар;

аҳоли ва тадбиркорлар мурожаатларини кескин камайтириш мақсадида уларнинг келиб чиқиш сабабларини чуқур ўргангандан ҳолда, муаммоларни бартараф этиш юзасидан тегишли норматив-хуқуқий хужжатларга ўзгартиришлар киритиш бўйича Вазирлар Маҳкамасига ўз таклифларини киритилишини таъминласинлар.

21. Олий ва ўрта маҳсус таълим вазирлиги (Қосимов) ўн кун муддатда республика олий таълим муассасаларининг бакалавриат таълим йўналишларига тест синовларида қатнашиб, талабаликка қабул қилиниш учун етарли балл тўплай олмаган абитуриентлардан келиб тушаётган мурожаатлар сони кўпайиб бораётганлигини эътиборга олган ҳолда улар учун ҳар бир олий таълим муассасасида таълим йўналишларига мос тайёрлов курсларини ташкил қилиш чораларини кўрсин.

22. Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари "Ўзтрансгаз" АҚ (Махмудов), "Ўзбекэнерго" АЖ (Саломов) билан биргалиқда қиши мавсуми арафасида аҳолидан тушаётган мурожаатларни зудлик билан жойига чиқиб, ҳал этилишини таъминлаш мақсадида бир ҳафта муддатда маҳсус гурухлар фаолиятини ташкил этсинлар.

23. Ўзбекистон Миллий телерадиокомпанияси (Хаджаев) давлат ва хўжалик бошқаруви органлари, маҳаллий ҳокимликларида ташкил этилган раҳбарларнинг шахсий қабулларини марказий ва ҳудудий телеканалларида тизимли ёритиб борилишини таъминласин.

III. ЎЗБЕКИСТОН РЕСПУБЛИКАСИ БОШ ВАЗИРИНИНГ ЭЛЕКТРОН ҚАБУЛХОНАСИ ОРҚАЛИ КЕЛИВ ТУШГАН МУРОЖААТЛАРНИ НАЗОРАТГА ОЛИШ ВА ҲИСОБОТИНИ ЮРИТИШ БЎЙИЧА

24. "Жисмоний ва юридик шахсларнинг мурожаатлари тўғрисида"ги Ўзбекистон Республикаси Конуни талабларини сўзсиз ва ўз вақтида бажариш Ўзбекистон Республикаси Бош вазири ва унинг ўринбосарлари аппаратлари, Вазирлар Маҳкамасининг Ижро этувчи аппарати, АТД ва бошқа таркиби бўлинмаларининг асосий вазифаларидан бири деб ҳисоблансан.

25. Ўзбекистон Республикаси Бош вазирининг электрон қабулхонаси орқали Бош вазир ва унинг ўринбосарлари аппаратлари, Вазирлар Маҳкамасининг Ижро этувчи аппарати, АТД ва бошқа таркиби бўлинмаларига жисмоний ва юридик шахслар томонидан келиб тушаётган мурожаатларнинг ижросини сўзсиз бажарилишини таъминлаш ва йўл қўйилган камчиликларни ўз вақтида бартараф этиш юзасидан амалга оширилган ишлари етарли даражада ташкил этилмаганлиги қайд этилсин.

26. Ўзбекистон Республикаси Бош вазирининг электрон қабулхонаси орқали келиб тушадиган мурожаатларни назоратга олиш ва ҳисботини юритиш бўйича 3-схема (3-иловага мувофиқ) тасдиқлансан.

3-схеманинг асосий вазифалари сифатида қуйидагилар белгилансин:

Вазирлар Маҳкамасининг Ишчи гуруҳига:

- келиб тушган мурожаатни ўрганиб чиқиб, рўйхатга олиш, тегишли ахборот-таҳлил департаментларига муддатини белгилаб, назоратга олиш ва ижрога юбориш;
- жавоб хати билан танишиб чиқиш ва назоратдан олиш, зарурат туғилганда мурожаат этувчи билан телефон орқали боғланиб, мурожаатнинг қаноатлантирилганлигига аниқлик киритиши;
- мурожаатларни рўйхатга олиш, масалалар кесимида таҳлили ва назоратини юритиши бўйича электрон базани шакллантириши.

Бош вазир ва унинг ўринбосарлари аппаратлари, Вазирлар Маҳкамасининг Ижро этувчи аппарати, АТД ва бошқа таркибий бўлинмаларга:

- жисмоний шахсларни ва юридик шахслар вакилларини қабул қилиш, мурожаатларни бевосита кўриб чиқиши, Комплекс раҳбарига маълумот бериб, тегишли вазирлик ва идораларга, маҳаллий ҳокимликларга Бош вазир ўринбосарлари, Вазирлар Маҳкамасининг аппарати бошқарувчиси, Бош вазир аппарати раҳбари, АТД ва бошқа таркибий бўлинма раҳбарлари резолюцияси билан ижрога юбориш ва назоратга олиш;
- мурожаатни кўриб чиқилаётганлиги ёки тегишли вазирлик ва идораларга, маҳаллий ҳокимликларга юборилганлиги тўғрисида мурожаат этувчини ёзма ёхуд электрон шаклда хабардор қилиш;
- мурожаатларни кўриб чиқиши ва натижаси бўйича жавоб хатини Вазирлар Маҳкамаси Ишчи гуруҳига ва мурожаатчига ёзма ёхуд электрон шаклда юбориш;
- қўшимча ўрганиш ва текшириш талаб этилган ҳолатларда, мурожаат этувчини хабардор қилган ҳолда Вазирлар Маҳкамаси Ишчи гуруҳига мурожаат муддатини узайтириш юзасидан тизим орқали сўров жўнатиши.

Вазирлар Маҳкамаси Ижро этувчи аппаратига:

- Вазирлар Маҳкамаси Ишчи гуруҳи маълумотлари асосида таҳлилий маълумот, мурожаатларни доимий назоратини тизимли олиб борилиши аҳволи ва электрон қабулхонани ривожлантириш таклифлари билан бирга таҳлилий маълумотларни шакллантириб, тегишли Комплекс раҳбарларига, Бош вазирга ва Вазирлар Маҳкамаси Раёсатига муҳокама учун киритиши.

27. Жисмоний ва юридик шахсларнинг мурожаатларини кўриб чиқиши бўлими (Мирзаев) уч кун муддатда Бош вазирнинг биринчи ўринбосари ва ўринбосарларининг, Ахборот-таҳлил департаменти мудирларининг жисмоний шахсларни ва юридик шахсларнинг вакилларини қабул қилиш жадвалларини тайёрласин ва тасдиқлаш учун киритсин.

28. Вазирлар Маҳкамаси Ёшлар сиёсати, маданият, ахборот тизимлари ва телекоммуникациялар масалалари департаменти (Содиқов), Жисмоний ва юридик шахсларнинг мурожаатларини кўриб чиқиши бўлими (Мирзаев), Йиғма ахборот-таҳлил департаменти (Боқиев, Тошпўлатов):

ахборот-таҳлил департаментлари билан биргаликда вазирлик, идора, маҳаллий ҳокимликларда жисмоний ва юридик шахсларнинг мурожаатларини кўриб чиқишининг аҳволини мунтазам таҳлил қилиб борсин;

тизимли равишда вазирлик, идора ва маҳаллий ҳокимликларда мақсадли ўрганишлар ўтказсин ва уларга амалий ёрдамлар кўрсатсан.

29. Вазирлар Маҳкамасининг Ахборот таъминоти ва компьютер тизимлари бўлими (Караханов) ахборот-таҳлил департаментлари мудирлари билан биргаликда жисмоний ва юридик шахсларнинг мурожаатлари билан ишлаш ҳолатини мониторинг ва таҳлил қилиб бориш мақсадида Вазирлар Маҳкамаси Ижро этувчи аппаратининг масъул ходимларини барча давлат ахборот ресурсларига (расмий веб-сайтларга) уланиш имкониятини таъминласин.

30. Ўзбекистон Республикаси Бош вазирининг ўринбосарлари:

ҳар ҳафта якуни бўйича ўzlари масъул бўлган вазирлик, идора, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимларининг йиғилишларида мурожаатларни кўриб чиқиши бўйича амалга оширилган ишлар натижаларини муҳокама этиб бориш ва тегишли чоралар кўриш юзасидан назорат ўрнатсин;

жисмоний ва юридик шахсларнинг мурожаатларини кўриб чиқишида қонун талабларининг бузилишига йўл қўйган мансабдор шахсларга нисбатан қатъий чоралар кўриб борсин;

мурожаатларда кўтарилган масалаларни доимий таҳлили асосида иқтисодиёт соҳаларини ислоҳ қилиш бўйича таклифлар ишлаб чиқилишини таъминласин.

31. Ўзбекистон Республикасининг Бош прокуратурасига (Абдуллаев):

республика ҳудудларидан Ўзбекистон Республикаси Бош вазирининг электрон қабулхонасига аҳоли ва тадбиркорлардан келиб тушаётган мурожаатларни тегишли вазирликлар, идоралар ва маҳаллий ҳокимлик органлари томонидан ўз вақтида ва сифатли кўриб чиқиши назоратини таъминлаш учун вилоят, шаҳар ва туман прокурорларини жалб этиш;

аҳоли ва тадбиркорлардан келиб тушаётган мурожаатлардаги масалалар юзасидан қайта мурожаатлар келиб тушган ҳолатда, тақрорий мурожаатга йўл қўйган масъул раҳбарларга нисбатан таъсирчан чоралар кўриш тавсия этилсин.

32. Ўзбекистон Республикаси Бош вазирининг ўринбосари (Арипов), Ўзбекистон Республикаси Бош прокурори (Абдуллаев) Ёшлар сиёсати, маданият, ахборот тизимлари ва телекоммуникациялар масалалари департаменти (Содиков), Жисмоний ва юридик шахсларнинг мурожаатларини кўриб чиқиши бўлими (Мирзаев), Хукуқий экспертиза ва халқаро шартномалар бошқармаси (Тойчиев) билан биргаликда прокурорлар раҳбарлигида ҳудудларда тузилган ишчи гуруҳлар билан доимий узвий алоқада бўлиб, улар томонидан амалга оширилаётган ишлар юзасидан 2016 йил якунига қадар ҳафталик ахборот бериб борсин.

33. Ўзбекистон Республикаси Бош вазирининг ўринбосари (Арипов)га қабул қилинган схемаларга мувофиқ жисмоний ва юридик шахсларнинг мурожаатлари билан ишлаш механизмларини амалга ошириш ишларини мувофиқлаштиришни таъминлаш юзасидан жорий йилнинг 15 ноябрида селектор мажлисини ўтказиш чораларини кўрсинг.

34. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари ва Вазирлар Маҳкамасининг Аппарати бошқарувчиси (Абдуқодиров) зиммасига юклансин.

Ўзбекистон Республикасининг Бош вазири

Ш. Мирзиёев

**Вазирлар Маҳкамасининг
2016 йил 27 октябрдаги
366-сон қарорига
1-ИЛОВА**

**Ўзбекистон Республикаси Бош вазирининг электрон
қабулхонаси орқали маҳаллий ҳокимликларга
келиб тушган мурожаатларни кўриб чиқиши**
1-СХЕМАСИ



	Кенгаши, вилоятлар ва Тошкент шахар хокимликлар и, ишчи гурӯҳлар	<p>мурожаатларини бевосита ўзида кўриб чиқиши ёки тегишлиги бўйича шаҳар ва туманлар ҳокимликларига, ҳудудий бошқарма ва идораларга, бошқа ташкилотларга биринчи раҳбар резолюцияси билан назоратга олиш ва ижрога юбориш.</p> <p>2. Тегишлиги бўйича шаҳар ва туманлар ҳокимликларига, ҳудудий бошқарма ва бошқа ташкилотларга юборилганлиги тўғрисида мурожаат этувчига ёзма ёхуд электрон шаклда хабар қилиш.</p> <p>3. Мурожаатларни кўриб чиқиши ва натижаси бўйича жавоб хатини Вазирлар Маҳкамаси Ишчи гурӯхига мурожаат этувчига ёзма ёхуд электрон (далолатнома) шаклда юбориш.</p> <p>4. Кўшимча ўрганиш ва текширишни талаб этилган ҳолатларда, мурожаат этувчини хабардор қилган ҳолда Вазирлар Маҳкамаси Ишчи гурӯхига мурожаат муддатини узайтириш юзасидан тизим орқали сўров жўнатиш.</p>	<p>чиқилганда 15 кундан кечиктириласдан.</p> <p>2. Беш кундан кечиктириласдан.</p> <p>3. Белгиланган муддатда.</p> <p>4. Беш кундан кечиктириласдан.</p>	Кенгаши, вилоятлар ва Тошкент шахар хокимликлари умумий бўлимлари раҳбарлари, ишчи гурӯҳлар
> 5-босқич	Шаҳар ва туманлар хокимликлар и, ҳудудий бошқарма ва идоралар, бошқа ташкилотлар, ишчи гурӯҳлар	<p>1. Жисмоний шахсларни ва юридик шахслар вакилларини қабул қилиши, мурожаатларини бевосита ўзида кўриб чиқиши ёки тегишлиги бўйича шаҳар ва туман даражасидаги корхона ва ташкилотларга биринчи раҳбар резолюцияси билан назоратга олиш ва ижрога юбориш.</p> <p>2. Тегишлиги бўйича шаҳар ва туманлар даражасидаги корхона ва ташкилотларга юборилганлиги тўғрисида мурожаат этувчига ёзма ёхуд электрон шаклда хабар қилиш.</p>	<p>1. Ўз ваколати доирасида кўриб чиқилганда 15 кундан кечиктириласдан.</p> <p>2. Беш кундан кечиктириласдан.</p>	Шаҳар ва туманлар хокимликлари, бошқарма ва ҳудудий идоралар, корхона ва ташкилотлар биринчи раҳбарлари




	Маҳкамаси Ишчи гурухи	<p>1. Келиб тушган мурожаатларни рўйхатга олиш, вилоят, шаҳар ва туманлар, шунингдек масалалар кесимида таҳлили ва назоратини юритиш электрон базасини шакллантириш.</p> <p>2. Тегишли таҳлилий маълумотларни шакллантирган ҳолда: Вазирлар Маҳкамасининг Комплекс раҳбарларига; Ўзбекистон Республикаси Бош вазирига; Вазирлар Маҳкамаси Раёсатига муҳокама учун киритиши.</p>	<p>2. Доимий:</p> <ul style="list-style-type: none"> - ҳар куни, - ҳар хафтада, - ҳар ойда. 	Маҳкамаси Ишчи гурухи
--	----------------------------------	---	--	----------------------------------


Вазирлар Маҳкамасининг
2016 йил 27 октябрдаги
366-сон қарорига
2-ИЛОВА


**Ўзбекистон Республикаси Бош вазирининг электрон
қабулхонаси орқали вазирлик ва идораларга
келиб тушган мурожаатларни кўриб чиқиши
2-СХЕМАСИ**






		(далолатнома) шаклда юбориш.	кечикирмас дан.	
		4. Кўшимча ўрганиш ва текшириш талаб этилган холатларда, мурожаат этувчини хабардо қилган холда Вазирлар Маҳкамаси Ишчи гурухига мурожаат муддатини узайтириш юзасидан электрон қабулхонаси тизими орқали сўров жўнатиши.		
> 5-боскич	>	<p>1. Жисмоний шахсларни ва юридик шахслар вакилларини қабул қилиш, мурожаатларини бевосита ўзида кўриб чиқиши ёки тегишлиги бўйича вазирлик ва идораларнинг вилоят худудий бошқарма, бўлимлари ҳамда тизимидағи корхона ва ташкилотларга (ўз навбатида шаҳар ва туман даражасидаги худудий бўлимлар) биринчи раҳбар резолюцияси билан назораттга олиш ва ижрога юбориш.</p> <p>2. Тегишлиги бўйича вазирлик ва идораларнинг худудий бошқарма, бўлимлари ҳамда тизимидағи корхона ва ташкилотларга юборилганилиги тўгрисида мурожаат этувчига ёзма ёхуд электрон шаклда хабар қилиш.</p> <p>3. Мурожаатларни кўриб чиқиши ва натижаси бўйича жавоб хатини вазирлик ва идорага ҳамда мурожаатчига ёзма ёки электрон (далолатнома) шаклда юбориш.</p> <p>4. Кўшимча ўрганиш ва текшириши талаб этилса, мурожаат этувчини хабардор қилган холда юкори турувчи вазирлик ва идорага мурожаат муддатини узайтириш юзасидан электрон қабулхонаси тизими орқали сўров жўнатиши.</p>	<p>1. Ўз ваколати доирасида кўриб чиқилганда 15 кундан кечикирмас дан.</p> <p>2. Беш кундан кечикирмас дан.</p> <p>3. Белгиланган муддатда.</p> <p>4. Беш кундан кечикирмас дан.</p>	<p>Вазирлик ва идораларнинг худудий бошқарма, бўлимлари ҳамда тизимидағи корхона ва ташкилотларни ишчи раҳбарлари</p>






Вазирлар Маҳкамасининг
2016 йил 27 октябрдаги
366-сон қарорига
3-ИЛОВА

**Ўзбекистон Республикаси Бош вазирининг электрон
қабулхонаси орқали келиб тушган мурожаатларни
назоратга олиш ва ҳисоботини юритишнинг
3-СХЕМАСИ**



		<p>аппарати раҳбари, АТД ва бошқа таркибий бўлинма раҳбарлари резолюцияси билан ижрога юбориш ва назоратга олиши.</p> <p>2. Мурожаатни кўриб чиқилаётганлиги ёки тегишли вазирлик ва идораларга, маҳаллий ҳокимлик органларига юборилганлиги тўғрисида мурожаат этувчига ёзма ёхуд электрон шаклда хабар қилиш.</p> <p>3. Мурожаатларни кўриб чиқиш ва натижаси бўйича жавоб хатини Вазирлар Маҳкамаси Ишчи гурухига ва мурожаатчига ёзма ёхуд электрон шаклда юбориш.</p> <p>4. Кўшимча ўрганиш ва текширишни талаб этилса, мурожаатчини огоҳлантирган ҳолда Вазирлар Маҳкамаси Ишчи гурухига мурожаат муддатини узайтириш юзасидан тизим орқали сўров жўнатиш.</p>	<p>2. Беш кундан кечиктирмас дан.</p> <p>3. Белгиланган муддатда.</p> <p>4. Беш кундан кечиктирмас дан.</p>	
--	--	--	---	--

> 3-боскич	<p>Вазирлик ва идоралар, бошқа ташкилотлар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, ишчи гурухлар</p>	<p>1. Жисмоний шахсларни ва юридик шахслар вакилларини қабул қилиш, мурожаатларини бевосита ўзида кўриб чиқиш ёки тегишлиги бўйича шаҳар ва туман даражасидаги корхона ва ташкилотларга биринчи раҳбар резолюцияси билан назоратга олиш ва ижрога юбориш.</p> <p>2. Тегишлиги бўйича шаҳар ва туманлар даражасидаги корхона ва ташкилотларга юборилганлиги тўғрисида мурожаат этувчига ёзма ёхуд электрон шаклда хабар қилиш.</p> <p>3. Мурожаатларни кўриб чиқиш ва натижаси бўйича жавоб хатини юкори турувчи маҳаллий ҳокимлик</p>	<p>1. Ўз ваколати доирасида кўриб чиқилганда 15 кундан кечиктирмас дан.</p> <p>2. Беш кундан кечиктирмас дан.</p> <p>3. Белгиланган муддатда.</p>	<p>Вазирлик ва идоралар, корхона ва ташкилотлар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари умумий бўлимлари, ишчи гурухлар</p>
------------	--	--	---	--





"Ўзбекистон Республикаси қонун ҳужжатлари тўплами",
2016 йил 31 октябрь, 43-сон, 507-модда

